

## Al giòsee

Al post di frigorifer, una volta gh' era una scatola  
de zinch, cunt dent di toch de giòss, alura se vediva  
quel che girava cunt al carèt, el gh' era al giòss suta i strasc,  
per menga fal deslenguà, al cunsegnava ste frescura  
aj famili, aj macelarr, e a tocc quej che gh' eran de bisogn.  
Aj gelatee, che per la clientela l' era semper ala ricerca,  
belèsa estiva, per una granita, o per un gelato fresch,  
l' emusion de sentee al trja giòss fà na granida ala mènta,  
l' era l' esclusiva de tanta gent.....se vedivan sti bloch  
de giòss lunch un metar so per gio, spustavan  
cuma nient, al rivava visen al negosi, e cunt  
un strasc in spala, scargava ste frescura....  
a gh' era anca i toch de giòss, dipendiva dela bisogna.  
La furtuna l'era quèla de tocc, da vèga  
al carèt suta caa, se, no cunt la biciclèta,  
a partivan per andà a cumprà sto toch de fresch,  
alura, l' ea un bel guaj, suta al su e in so  
al manuber la lunghesa del toch de giòss....  
bisugnava pedàla a tuta bira, per mena  
fal deslenguà per la strada.....un laurà del safurment.  
Questu l' era que che sucediva, quant i frigor  
gh' eran no, l' unica rapresentansa de frescura,  
la vita l' è cambiada, al giòsee al ghè po....  
dervi al frigor e go tot qel che vori....  
ghè po de andà in biciclèta per vèga  
un toch de giòss lunch un metar.

11-10-2017